

- B. 11. Die arbeit ist nit zu erzellen,  
 Der ich getragenn viell,  
 Thett mich auch ofte sellenn,  
 Meins schreibenn war kein ziell.  
 Dennoch thet ihs extragenn  
 All zu derselbenn stundt,  
 Auf gots ergetzung thet ihs wagen,  
 Mein hertz ist gar verwundt.
- B. 18. Einvnddreißig jar im lannde  
 Bin ich gewesenn hir,  
 Trotz das mit warheitemande  
 Aufleg noch beweiz auf mich,  
 Was erbarkeit entgegenn,  
 Das ich getriebenn hedt  
 Mit schwerenn vnd mit siegen  
 Das thet des teuffels sath.
- B. 19. Von jederman ich geplaget wardt,  
 Mein Creutz ist stets vermerdt,  
 Das thett allein die bose ardt,  
 Unnderthan gantz vngelertt,  
 Ir trewe sie vergaßenn,  
 Entzogen mir das brodt,  
 Es war In nicht geheiszen,  
 Der herr der halff aus nott.
- B. 20. Mein diener vnd gesinde  
 Vergaßen pflicht vnd eide,  
 Handelten mit mir geschwinde  
 Vnd thetten mir groß verdrieß.  
 Im Creutz thetten sie nit pleibenn  
 Entzunden mir mein Bett,  
 Noch feist mir nicht am leibe,  
 Der herr thet mich errettenn.
- B. 23. Nun gottes willenn mich ergeben,  
 Elaget In mein elenndt,  
 Nach seinem willenn lebenn,  
 Denn armen aus meiner handt  
 Ach mocht ich dene gebenn  
 Nach meines herzenn beger,  
 Mit meinem Sohn gar eben  
 Lebenn ahn zannck vnd beschwer.